

Enformaziuns y Comunicaziuns



Laldun le Signur: Dò la prejentaziun dal liber de dljia nò „Laldun le Signur“ sòn Badia, vègnel sèn motù fora i libri nòs te dljia, empede le liber „SYN“. Les còres á cumpré cotan de libri nòs por nostes dljies. La jont é enviada da fá bel empara y da i tó ca trep dertan les mèsse y funziuns, por tó pert ativamont ala liturgia. **En sabeda ai 4 de forá pla mësse dles 18:00** vèn le liber prejenté plü avisa te nosta ploania. Chi co l'ò avèi enstèsc, por l'oraziun a ciasa y te familia, pó le cumpré por 20,00 euro.

Festa de Sant Ojöp Freinademetz: Encò domègna ai 29 de jená festejèia la Dljia le dé de Sant Ojöp Freinademetz. I misionars verbic envièia da recordé nosc sant sò Oies. **Encò ales 16:00** sarál lassò na mësse solèna con nosc Vèsco Ivo Muser.

Uniun dles Ères: La Uniun dles Ères lascia alessèi che pal consèi nò él ciamó gnü pormez **Sabine Mutschlechner y Elisabeth Rubatscher**. Bel iolan!

Preparaziuns al Bato: La Uniun dles Ères Catoliches de nosc decanat fistidièia da organisé plü iadi al ann les preparaziuns al Bato, por geniturs co á en picio viadú da bacé, totes y toc. Chisc é duc i terminns, dagnora de sabeda, dales 15:00 ales 17:00:
- **11.03.2023 sòn Badia**, tla Ciasa J. B. Runcher - prenotaziuns al 334 3200396
- **06.05.2023 tló Al Plan**, te salf de calogna - prenotaziuns al 328 0717796
- **08.07.2023 sò Corvara**, te salf de calogna - prenotaziuns al 334 3200396
- **09.09.2023 sò La Val**, te salf dles manifestaziuns - prenotaziuns al 328 0717796
- **11.11.2023 sò San Ciascian**, te salf de calogna - prenotaziuns al 334 3200396

Preparaziun al maridé: Le Sorvisc ai Jogn Val Badia mèt a jí i „Dis de preparaziun al maridé“, **sabeda y domègna ai 15 y 16.04., tal zènter Saj.un sò La Ila**. Le curs é por ladin, na picia pert por todèsch. Al sará referac y formaziun tal ciamp dla comunicaziun, relaziun, spiritualité, sanité y dèrt. I referènc é: dr. Lois Kastlunger (coordinadú), dr. Christian Ferdigg (pert religiosa), dr. Christian Pedevilla (avocat) y Petra Massardi (consulènta). Le curs é limité a 12 pèrs y al é da s'anunzié te Sorvisc ai Jogn al 0474 523070 o a info@jogn.org, anter i 31 de merz. Cost: 180,00€ a pèr (curs + 2 marènes).

Avis: Al é na porsona co á na ciasa tló Al Plan co **scinca ia en clavier**. Che co foss enterescês, pó se lascé adentène pa Pablo al 333 4762010, spo ciáfèise le contat.

Carlascé: Eniann gnarál endò fat tló Al Plan la **defilada da Carlascé**. La Cooperativa Turistica envièia belo sèn duc canc, pici y gragn, uniuns, classes ez. da s'arjigné ca y gní a fá empara. La defilada sará en vèia de Capiun, le dé d'òlonesc ai 21 de forá ales 14:00, y pèia ia te plaza dan l'ofize turistich. Iscriziuns en chël dé da misdé ennant.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. **333 4762010** Mail: **ploaniaalplan@gmail.com**
Download plata: **www.unitepastorala.org**



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann A

29.01.2023 - 4. Domègna ia por l'ann
Festa de Sant Ojöp Freinademetz

nr. 10

Ralegresse y iubilede: Osc paiamont tal cí sará gran

Dal Vagnele dô San Mateo 5, 1-12a

Te chël tomp, ¹canche Gejú odea le gròm de jont, él jü sòn na munt. Al s'á sonté jö, y sù discepu ti é jüs pormez. ²Spo ál motù man da baié y i istruia. ³Al á dit: Beâc, chi co é pûri dan da Idio; deache de d'èi é le règn dal cí. ⁴Beâc, chi co plüra; deache ai gnará consolès. ⁵Beâc, chi co é saorisc; deache ai ierpará la tera. ⁶Beâc, chi co á fan y sèi dô iustizia; deache ai gnará pasciontès. ⁷Beâc, i misericordiusc; deache ai ciafará misericordia. ⁸Beâc, chi co á en cör nèt; deache ai odará Idio. ⁹Beâc, chi co fej pèsc; deach'an ti dijará fis de Dio. ¹⁰Beâc, chi co vèn porseghitès por gauja dla iustizia; deache de d'èi é le règn dal cí. ¹¹Beâc sèise os, sc'i gnèis dejonorès y porseghitès y scraiès fora a vigne manira por mia gauja. ¹²Ralegresse y iubilede: Osc paiamont tal cí sará gran. **Parora dal Signur. - Lalt a te, Gejú Crist!**



Les beatitudines desco orientamont tla vita da vigne dé



La Dljia Catolica á na gerarchia tlera dles bones porsones. Empröma él les santificaziuns y spo, desco na sort de scalin dessot, él les beatificaziuns. Por gní santifichès ôl ester en martire o che al é da odèi fora en nivel de virtus eroiches. Còstes porsones vèn „alzades al onur dai altès“ y pó se tlamé Sorvidú o Sorvidèssa de Dio venerabl/a. Sce al n'é degün martire, spo ôl ester ciamó la proa d'en miraco.

Ciodi se cunti pa còsc pordèrt? Deache al pò döt tan dalunc da ci che iu mèti en coliamont con les beatitudines che Gejú á pordiché söla munt. Les beatitudines é val' co dess avèi da fá con mia vita da vigne dé. Tres endò en orientamont, desche i oress vire: en pèsc, iüst, con amur y bunté. Còsc n'á nia trep de eroich. Sambèn ne mo garetera nia dagnora, mo val' iade bèn. Y còsc n'é nia tan en miraco, mo canche al sozedá, él val' de beliscimo.

Les beatificaziuns dess romagner ennant val' de particular, val' de straordinar; les beatitudines é endere en orientamont por la vita da vigne dé. *Michael Tillmann - Image*

Edema liturgica dai 29.01. ai 05.02.2023

DOM 29.	4. domëgna ia por l'ann festa de Sant'Ojep da Oies	<i>Ujöp Freinademetz, Valerio, Gerhard</i>
06:30	gran mëssa por dōta la ploania <i>oferta por la ploania</i> DEU	
	dal ann por +nt Rigo Jep dal Nena, Rara dal ann por +nta Clara Tamers Oberbacher +nta Ida Pitscheider - +nta Hermine Rubatscher Pallhuber +nc' de Federa Marta – Püres Animes vís y +nc' dla familia Tavella Comploi	
10:00	<i>gran mëssa a La Pli</i>	
Lön 30.	<i>Martina, Serena</i>	
19:30	<i>s.m. a La Pli</i>	
Ded 31.	<i>Giovanni Bosco, Scebio</i>	
07:30	<i>s.m. a Antermëia</i>	
19:30	corona	
Dem 01.	<i>Brigitte, Giovanna</i>	
Jöb 02.	festa dla Presentaziun dal Signur tal templ, S.Maria dles cianderes, dal poch De dla vita consacrada I Stefan, Alfred - de d'oraziun do vocaziuns	
08:30	<i>s.m. a La Pli</i>	
Ven 03.	pröm vëndres - Blaje, Ansgar, Oskar, Simeon y Hannah	
07:20	s.m. por i scolari con benedisciu de S.Blaje LAD	
	dal ann por +nt Davide Schanung +nt Edi Pizzinini - +nta Monica Peslalz Rabbù da Tlea vís y +nc' de Irene	
15:00	corona	
Sab 04.	<i>Sabeda de Santa Maria I Rabanus Maurus, Agata, Veronika</i>	
07:30	<i>s.m. a La Pli</i>	
17:30	corona	
18:00	s.m. prefestia +nc' Complojer Lejio y Maria da Runcac' +nc' Albina Palfrader y Sepl Deiaco - +nc' Obojes da Val +nc' dles families Borroni y Albertini +nc' dles families Taibon Lé dla Crëda vís y +nc' dla familia Frenner de Pincia	ITA
DOM 05.	5. domëgna ia por l'ann Dé dla vita	<i>Ingenuin y Albuin veschi de Jënn, Adelheid, Elisabeth</i>
06:30	gran mëssa por dōta la ploania <i>oferta por la ploania</i> LAD	
	+nta Ties Judita - +nta Ida Craffonara Pisching +nc' Ottilia y Emilio Castlunger - +nt Sergio Miano +nt Carlo Erlacher – de reng. por Erlacher Marianna con familia +nc' Rosa y Raimondo Dalla Santa	
08:30	<i>zelebrazion dla Parora de Dio a La Pli</i>	

Sant Ojöp Freinademetz

Ojöp Freinademetz ea en gran miscionar motivé dala noela de Gejú Crist. Al á vit por ti dé ennant ai atrí la speranza de chëra che ël enstës ea emplí. Al viea y pordicâ la fede con dōta sōa convinziun y porchël ti portâ la jont en gran respet; con sōa manira de vire ala bona y con sōa bonté, s'ál davagné i cōrs dla jont.

Ojöp Freinademetz é nasciü ai 15 d'aorí 1852 sō Oies a S. Linert. Do la scora elementara a Badia, le ginase y le stüde de teologia a Porsenú, él gnü consacré preo ai 25 de messé 1875 tla dlija dal seminar. Dal 1876 cina al 1878 él sté caplan y maester a S. Martin de Tor. Spo él jü tla ciasa miscionara, fondada l'ann 1875, a Steyl tal'Olanda.

Ojöp Freinademetz y Johann Baptist Anzer ea i pröms miscionars che le fondadú Arnold Janssen á podü mené ai 2 de merz 1879 tles misciuns dla Cina.

Do sōa introduziun tal laur dla misciun tal retrotera de Hongkong, á i dui miscionars de Steyl sorantut dal 1881 la misciun tal Shantung meridional.

Freinademetz se dea da fá tai raiuns, deslariés fora por le gran teritore y â motü en pe en grôm de comunités cristianes. Al ne se stanciâ nia te so laur da miscionar y periâ sonza lascé do, diventenn ensciö d'ejompl por i miscionars jogn, che al ensegnâ jö por so sorvisc te tera foresta, dandadöt do che al ea gnü provincial dai miscionars de Steyl tla Cina. Nanter sis iadi ál enstës aministré por en bel pez la misciun tran les assënzes dal Vësko. Ai 28 de jené 1908, endebli da massa de gran fadies, él mort dal marac.

Ai 19 d'otober 1975 l'á le papa Paul VI detlaré beat deboriada con Arnold Janssen.

Ai 5 d'otober 2003 él, endò deboriada con Janssen, le fondadú dla Sozieté miscionara dla Parora divina, gnü detlaré sant.

(da: Dões Novenes a onú y por enterzesciun de sant Ojöp Freinademetz)

“Plö che le Signur nes benedësc, tan deplö messunse laoré por Èl.”

“La tera por nos é foresta - nosta patria, nosta ciasa dal pere, é le Ci.”

“Corassö n'él plö degōnes lagrimes y tribolaziuns, degōnes porsecuziuns y inimizies.

Porchël orunse nes ralegré y esulté!” *(Sant Ojöp da Oies)*

Sorvisc dai Ministronc

Vendres 03/02 (07:20h): Matilda Complojer, Matthias Deval, Lena Feichter, Emma Mutschlechner, Matthias Winkler;

Sabeda 04/02 (18:00h): Lisa y Mateo Alberti, Alexander Clara, Maja Complojer, Diana y Madalena Deval, Amelie y Valentina Erlacher, Melanie Feichter, Antonio Mauro, Christian Trebo, Damian Winkler;

Domëgna 05/02 (06:30h): Armin y Simon Trebo

N.B.: Düc i ministronc é entres begnodüs da qnì a sorvì, ince sce ai n'é nia scric sò!

John Blankers



Menschen, die nach den Seligpreisungen leben, da sind Heilige und Selige des großen kirchlichen Kalenders dabei, und es sind Alltagsbegabungen von nebenan. Sie haben bekannte Namen und heißen dann eben Schwester Ruth Pfau oder Rupert Neudeck oder Mutter Teresa. Oder sie sind so unbekannt wie eine Nachbarin, wie der Mann von nebenan. Aber sie alle sind Hoffnungszeichen, dass Gottes Vision keine Utopie ist. Sie sind Blumen in Gottes himmlischen Garten.

